



## **Koalicija za borbu protiv govora mržnje i zločina iz mržnje apelira na medije i političke zvaničnike**

Koalicija za borbu protiv govora mržnje i zločina iz mržnje osuđuje dodatno stvaranje atmosfere straha iznošenjem neprimjerenih izjava i prejudiciranjem događaja visokih političkih zvaničnika iz BiH i regije, nakon napada na policijsku stanicu u Zvorniku kojeg je Tužilaštvo BiH okarakterisalo terorističkim.

Također, Koalicija apelira na sve medije da o ovoj osjetljivoj temi izvještavaju sa punom društvenom odgovornošću i da ne pristupaju događaju senzacionalistički. Apeliramo prije svega na online medije da uklone komentare koji sadrže govor mržnje i huškanje. Politički zvaničnici i analitičari kojima se daje medijski prostor ne bi smjeli širiti paniku i strah i na taj način manipulirati građanima.

Najpozvaniji da govore o ovom slučaju jeste policija i Tužilaštvo BiH i prejudiciranje događaja može biti samo štetno po sigurnost u BiH i policijsku istragu. Koalicija pozdravlja reakcije gradonačelnika Zvornika Zorana Stevanovića i glavnog imama u Zvorniku Mustafe ef. Muharemovića koji su osudili ovaj napad i pozvali građane na tolerantno ponašanje i da se uzdrže od govora mržnje.

S poštovanjem,

### **Članice Koalicije za borbu protiv govora mržnje i zločina iz mržnje**

Asocijacija za demokratske inicijative  
Centar za mlade KVART  
Civil Rights Defenders  
Fondacija CURE  
Fondacija Mediacentar Sarajevo  
Fondacija Istina, Pravda, Pomirenje  
Inicijativa mladih za ljudska prava Bosne i Hercegovine  
Otaharin  
Omladinska novinska asocijacija u BiH (ONA)  
Sarajevski otvoreni centar  
Udruženje BH novinari  
Vijeće za štampu BiH